



Broj: 05-1-07-5-717/16  
Sarajevo, 22.06.2016. godine

## OVJERENIM POLITIČKIM SUBJEKTIMA ZA LOKALNE IZBORE 2016. GODINE

### PREDMET: Obavjest u vezi sa podnošenjem prigovora i žalbi

Poštovani,

Odredbom člana 6.3 stav (1) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) propisano je da se prigovor podnosi na obrascu koji propiše Centralna izborna komisija Bosne i Hercegovine. Prigovor sadrži kratak opis učinjene povrede i prilog-dokaze koji potvrđuju navode prigovora. Prigovor mora potpisati podnosilac prigovora. *Ako je podnosilac prigovora politička stranka ili koalicija ili lista nezavisnih kandidata, prigovor potpisuje predsjednik ili ovlaštenu predstavnik političke stranke ili koalicije ili liste nezavisnih kandidata ili lice koje oni ovlaste uz priloženo ovlaštenje. Podaci o ovlaštenom predstavniku deponiraju se kod općinske izborne komisije.*

Iz odredbe člana 6.3 stav (1) ovog zakona proizilazi da prigovor može podnijeti:

- u ime političke stranke predsjednik političke stranke ili ovlaštenu predstavnik političke stranke ili lice koje oni ovlaste uz priloženo ovlaštenje,
- u ime koalicije ovlaštenu predstavnik koalicije ili lice koje oni ovlaste uz priloženo ovlaštenje,
- u ime liste nezavisnih kandidata ovlaštenu predstavnik liste nezavisnih kandidata ili lice koje oni ovlaste uz priloženo ovlaštenje.

Odredbom člana 5. stav (1) Uputstva o procedurama za rješavanje po prigovorima i žalbama podnesenim izbornim komisijama ("Službeni glasnik BiH", broj 37/14) (u daljnjem tekstu: uputstvo) propisano je da se potpisi ovlaštenih predstavnika moraju nalaziti na obrascu deponiranih potpisa ovlaštenih predstavnika političke stranke, koalicije i liste nezavisnih kandidata za podnošenje prigovora i žalbi, koji se predaje nadležnoj izornoj komisiji. *Obrazac se podnosi u periodu od dana raspisivanja izbora do dana potvrđivanja rezultata izbora.*

U skladu sa odredbom člana 5. stav (1) uputstva dužni ste popunjene obrasce deponovanih potpisa ovlaštenih predstavnika političke stranke/koalicije/liste nezavisnih kandidata za podnošenje prigovora i žalbi, *dostavljati, u periodu od dana raspisivanja izbora do dana potvrđivanja rezultata izbora, izornoj komisiji.*

Ukoliko niste postupili u skladu sa članom 5. stav (1) uputstva, dužni ste postupiti u skladu odredbom člana 4. stav (2) uputstva koja propisuje *da uz prigovor podnosilac dostavlja obrazac deponiranih potpisa ovlaštenih predstavnika političke stranke, koalicije i liste nezavisnih kandidata za podnošenje prigovora i žalbi, osim ako nije ranije dostavljen izbornoj komisiji kojoj se prigovor podnosi.*


Naprijed navedeni obrasci su izbornim komisijama potrebni radi pravilnog i efikasnog utvrđivanja ovlaštenog predstavnika političke stranke/koalicije/liste nezavisnih kandidata za podnošenje prigovora i žalbi u skladu sa odredbama Izbornog zakona BiH i uputstva.

**Napominjemo da će Centralna izborna komisija Bosne i Hercegovine ili izborna komisija odbaciti prigovor, koji je podnijelo neovlašteno lice.**

Isto tako, ovim putem ukazujemo vam na odredbu člana 6. stav (3) uputstva koja propisuje da u slučaju da prigovor nije podnesen na obrascu propisanom u članu 4. ovog uputstva, kao i prigovor koji je nerazumljiv, nepotpun, odnosno ne sadrži dovoljno dokaza kojima bi bili potkrepljeni navodi istaknuti u prigovoru, te nisu navedene odredbe Izbornog zakona BiH za koje podnosilac prigovora smatra da su povrijeđene, izborna komisija će odmah obavijestiti podnosioca prigovora da u roku od 24 sata od prijema obavještenja dopuni prigovor i tako otkloni nedostatak na koji mu je u obavještenju ukazano. U istom obavještenju podnosilac prigovora bit će upozoren na posljedice neotklanjanja nedostatka, kao i činjenicu da će se u tom slučaju smatrati da prigovor nije ni podnesen.

Dostavljeno:

- naslovu
- a/a



Predsjednik

Dr. Ahmet Šantić